



Nobilissime Vir,

QUAS ad me dare dignatus es literas, cum luculento munere literario, accepi.

Nec passa est, quid de novo isthoc argumento docta manus traderet, sciendi cupiditas, ut non protinus sedulâ operis tui lectione animum explerem. De Organorum in templis usu acturus, prudenter inter Ecclesiasticum & profanum discernis. Hunc, etsi in sacro loco quin & sacrorum tempore usurpatum meritò damnas, quia finis non est sacer, à quo solo res adia-phoræ sacrantur. Illum, qui cultui

D 2 or-

ornando, juvando, promovendo
 facit, multis magnisque argumen-
 tis commendas ac firmas, iisdem
 fermè quibus nos paucis abhinc
 annis, postulante id nostro Magi-
 stratu, Organorum usum in can-
 tum sacrum admisimus. nec est
 cur hætenus facti pœniteat. Inicis
 alia quædam, tum Liturgiam spe-
 ctantia, tum conciones, publicas-
 que quæ sequuntur preces attinen-
 tia, quæ non injuria redarguis. In
 stilo passim est *διδότις*, est & ubi
ὕψος se exerit *γνώσιον* tamen & *ἀνδ*
ρική. ubique puritas triumphat
 sermonis. Sic ut lingua nostra ha-
 beat, cur se & puriorem & cultio-
 rem & locupletiolem à te factam
 gloriatur. Oblectavit etiam non
 parum, quod fitis sterile per se &
 parum splendidum argumentum,
 utili-

utilibus suavibusque , ex optimis
 Latinis Græcisque authoribus tum
 ἡρώδης, tum *περιοχῆς* ita exornave-
 ris, ut neque sordere illud, neque
 tædium obrepere lectori siveris.
 Eâ autem agis ubique, quod ma-
 gnoperè laudo, humanitate & can-
 dore, ut siquis fortè aliter de hoc
 argumento sentiat, non nisi be-
 nignè de te possit judicare : & si-
 quid cupiat regerere, debeat mo-
 destè, ni *εὐθείας* crimen incurrere
 amet. quod in neminem cadet qui
 didicerit, sapientiam quæ ἀνωθεν
 est, esse *εἰρηνικὴν, ἀπρόη, καὶ ἀδράκελλον*.
 Gratias ago, Vir maxime, quod
 rebus civilibus immerfus, Ecclesiæ
 etiam curâ tangeris, & de cere-
 moniis nostris statuis, quod ex
 usu futurum censeo. Ita laudi ti-
 bi sit hic tuus labor, ut nos te hoc

D 3 nomi-

54

nomine amamus, Deumque pre-
camur, ut te porrò Rebuspublicis
civili & literariæ, sospitem diu
atque incolumem conservet.
Quod vovet

Amplitud. Tuæ

devotissimus

LVD. DE DIEU.

Lugd. Bat. 11. Mart.

A° 1615 CXLII.

MON-